

UNIVERZITET U TUZLI
SENAT
Broj:03-1923-1-2/21
Tuzla, 19.04.2021. godine

Na osnovu člana 60.stav (1) tačka a) Zakona o visokom obrazovanju („Službene novine Tuzlanskog kantona“, broj: 07/16, 10/16, 5/17, 15/17 i 15/19) i člana 119a. Zakona o izmjenama i dopunama Zakona o visokom obrazovanju („Službene novine Tuzlanskog kantona“ broj: 9/20), člana 52. stav (1) tačka a) Statuta Univerziteta u Tuzli, a u vezi sa Zaključkom Vlade Tuzlanskog kantona broj: 02/1-04-12722/21 od 15.04.2021. godine, Senat Univerziteta u Tuzli je na 15. vanrednoj elektronskoj sjednici održanoj 16.04.2021. godine i 19.04.2021. godine donio

ODLUKU

o načinu organizacije nastave, ispita i odbrana završnih radova na Univerzitetu u Tuzli u ljetnom semestru akademske 2020/21. godine

I

Nastava na fakultetima/Akademiji Univerziteta u Tuzli na prvom, integriranom prvom i drugom, drugom i trećem ciklusu studija u ljetnom semestru akademske 2020/21. godine organizovati će se na klasičan način koji podrazumjeva fizičko prisustvo i interakciju studenata i nastavnika/saradnika ili kombinovano: klasičnim načinom i kao nastava na daljinu, u zavisnosti od broja studenata na studijskoj godini, broja grupa za vježbe, broja studenata u grupi za vježbe, u skladu sa raspoloživim prostorom, te svim specifičnostima i zahtjevima studijskih programa fakulteta/Akademije, uz primjenu važećih epidemioloških mjera i preporuka nadležnih organa.

II

Online nastava se izvodi uz pomoć softverskih aplikacija u okviru “G suite for education” i putem drugih dostupnih softverskih aplikacija (zoom, google meet), prema utvrđenom rasporedu nastave koja podrazumijeva interakciju između predmetnog nastavnika/saradnika i studenta.

Izuzetno, u slučaju tehničkih poteškoća, nastava na daljinu se može izvoditi i po modelu snimljenih predavanja/vježbi (prezentacija sa audio i/ili video zapisom nastavnika/saradnika koja je dostupna studentima.

Nastava na daljinu, dostavljanjem studentima prezentacija ili tekstova u PDF formatu neće se smatrati održanom nastavom.

III

Praktična nastava za studente XII semestra Općeg studija Medicinskog fakulteta (**klinički staž**) se nastavlja do daljnjeg u zdravstvenim ustanovama na području Tuzlanskog kantona. Praktična nastava koja se obavlja u javnim i privatnim zdravstvenim ustanovama na području Tuzlanskog kantona za studente ostalih studijskih godina obustavlja se do daljnjeg.

IV

Nastava u učionici može se organizovati u dvije smjene (od 8:00 do 21:00 h), vodeći računa da se rasporedom nastave osigura kontinuitet unutar jedne smjene.

V

Organizacija ispita (redovni ispitni rokovi, parcijalne provjere znanja, ispiti za absolvente i imatrikulante), vršit će se na klasičan način, **uz primjenu važećih epidemioloških mjera i preporuka nadležnih organa** i Uputstava za zaposlenike/spoljne saradnike i studente fakulteta/Akademije Univerziteta u Tuzli o organizaciji i realizacije nastave/ispita/odbrana projekata/završnih radova na prvom, drugom i trećem ciklusu studija u prostorijama Univerziteta i provođenju mjera sigurnosti i zaštite zdravlja u okolnostima rizika od zarazne bolesti COVID-19.

VI

Odbrane završnih radova prvog, integriranog prvog i drugog, drugog i trećeg ciklusa studija, kao i odbrane projekata, vršit će se na klasičan način, uz primjenu važećih epidemioloških mjera i preporuka nadležnih organa i samo u prisustvu članova komisije i kandidata.

VII

Ova Odluka stupa na snagu danom donošenja, a primjenjivat će se od 17.04.2021. godine.

VIII

Ova Odluka objavit će se na web stranici Univerziteta.

Dostaviti:

1x Rektor/prorektorima

1x Dekanima fakulteta/ADU

1x Generalnom sekretaru

1x Ured za nastavu i studentska pitanja

1x web administratoru

1x Senat



PREDSJEDAVAJUĆA SENATA

Nermina Hadžigrahić
Dr. sci. Nermina Hadžigrahić, redovni profesor